


黃
山
叢
刊

地732.3
36.92
部=1~8

刊黃

山業取

楊鍾義



黃山叢刊序

蘇君厚如嗜學癖古雅度冲襟風流醞藉輓近之俊人也屏居舊京過從最稔嘗就余商榷以世居太平結廬黃山之麓欲哀集古今典籍文章涉及山事者都爲一集余於黃山雅有夙緣因與參訂義例助之蒐采未幾君以鉅編見投則已舉頻年所輯付諸鉛槧顏曰黃山叢刊自圖經以逮史概爲書凡六種雪江弘仁所繪山圖如千幅宋元以來游記六十一首編爲八帙將以傳播屬余爲文以引其端余維自宋人編刻儒學警悟百川學海以後叢書之刻盛行於時洎明代胡孝轅創刊鹽邑志林於是大而省郡下及鄉邑又有分地叢書之例顧未有就一

黃山叢刊

序

一

百

一

硯

齋

山一水之地網羅衆作彙梓成編者也有之則自蘇君之此編始顧或疑管子言天下名山凡五千三百七十其含靈孕異者衆矣茲於黃山特爲表異得毋以鄉里之私而過爲揚詡乎余謂此殆未觀黃山之偉異宜其持說之陋也余生平雅嗜山游數十年來五嶽旣已徧登餘如浙江之天台雁蕩天目徑山南鎮江蘇之金焦北固天平江西之匡廬安徽之九華吾蜀之夔巫貴州之黔靈陝西之終南直隸之封龍田盤大房百花雲濛山東之勞山靈巖山西之五臺塞外之陰山皆號爲崇山峻岳靡不扶筇攜屐肆意幽尋然求其雄秀天成兼苞衆美未有若黃山之盛者也天都削成偉然太華之仙掌石筍表列宛如桂

海之瑤簪至若鰲洞獅林之詭麗海門松谷之幽迥油潭龍瀑之瓌奇覽之者眩目聞之者駭魂設分其一鱗片羽亦足以標勝稱雄而黃山則攬取無窮囊括衆有此所由名蜚四海秀甲寰中齊衡華駕岷峨而無愧者也然則厚如之輯鴻編以彰神嶽者寧爲過舉哉夫山川之勝必得其人而始傳而昔人攬勝者又必藉妙筆鴻才以抒其景物故泉石爲之增暉林巒因而改色古人所謂山水有靈亦驚知已於千古也余近者嘗謁五臺升恒嶽其地琳宮寶宇照耀山阿聖域靈風震動夷裔而摩挲碑碣披拾圖經紀述泰半無徵遺聞盡歸湮墜未嘗不歎掇拾之無人而靈區之闐寂也今觀此集知厚如樂山性適思古情深既妙選名賢之專箸復博取前輩之遺文凡峰巖洞壑之狀與松石花卉之名咸萃於茲一覽可得斯於圖志之外別具鑑裁庶幾山林之中存此掌故不僅侈博瞻供欣賞而已抑余竊有感者憶昔庚申首夏曾賦壯游其時華路未通艱危備歷洎乙亥重往則斬山通道架水爲梁鋒車載馳計晷可達懸雲鳥徑化爲夷庚筇杖筍輿從容眺玩視前時之跋涉判勞逸若天淵頗聞當道賢俊雅意籌謀課以期程預爲方略將合群材之力闢爲勝絕之區而厚如此編亦適會其時出而行世豈運會之使然抑人謀之偶合歟嗟夫地之顯晦也有時而事之成功也有待即以茲山言之自昔危崖穹谷僻阻萬山福地仙寰

黃山叢刊

序

二

百

一

硯齋

迴絕塵世今乃抉開邃秘埽盡榛蕪使猿鳥荒寂之鄉化金碧
莊嚴之境呈奇獻秀千載一時正宜導此新機力恢壯觀凡山
中俊流高逸之清標古德遺民之芳躅詳徵故實昭示時人撫
取佚書更刊後集異時入山者訪雪江之雲舫登麗田之琴臺
拜蘂菴之遺塔欽遲節概引領風徽俾知黃海之奇匪徒以山
翠林霏供人麗囑披展茲編宜有感歎徘徊聞風而興起者矣
是厚如之勤勤輯錄其發揮光大爲功寧不偉哉

歲在丁丑五月江安傅增湘序

黃山叢刊

序

三百一 硯齋

黃山叢刊目錄



第一帙

黃山圖經

黃山圖

第二帙

黃山圖

第三帙

黃山領要錄

第四帙

黃山松石譜

黃山叢刊

目錄

黃海山花圖詠

再箋

黃山行六頌

黃山賦

黃山史概

第五帙

遊記二十首

第六帙

遊記十首

第七帙

遊記二十首

第八帙

遊記十一首

黃山叢刊

目錄

二百一 硯齋

黃山叢刊

太平蘇宗仁厚如編錄

第一帙目錄

黃山圖經 吉石齋叢書本

宋 無名氏

黃山圖 吉石齋叢書本

清 釋雪莊

黃山叢刊

目錄

一百一 硯齋

黃山圖舊本四張上載三十六峯中下

飛龍峯下有新興寺又下有龍吟石

石門峯狼豹洞又左之下萬石市

雲門峯下有焦村

翠微寺下有廣寺

翠微洞下有五福堂

蓋若寺

仙都峯下有福寺

望仙峯下有薌林寺

九龍洞 藏雲洞

芙蓉峯下有花山寺

朱砂石有湯池 符祥亦在下

浮邱祠之下有黃濟祠 有折足橋

舊本黃山小景祥符祠刊

黃山圖經

宋無名氏著



黃山舊名黟山當宣歙二郡界在歙之西北高一千一百七十丈東南屬歙縣西南屬休寧縣各一百二十里即軒轅黃帝棲真之地唐天寶六年六月十七日勅改為黃山按江南諸山之大有天目天台二山郡國志云天目山高一萬八千丈而低于黃山者何也天目近連浙江天台俯瞰滄海地勢傾下百川所歸而宣歙二州即江之上游海之濫觴也今計宣歙之平地已與二山齊焉况此山有摩天戛日之高則浙東西宣歙池饒江信等郡之山竝是此山肢脉諸峯積石迥如削成煙嵐無際雷雨在下霞城洞室乳竇瀑布無峯不有巖巒之上奇蹤異狀不可模寫誠神仙之

窟宅也山上往往聞峯上仙樂之聲自郡
至山口一百二十里自山口至湯院又八
里磴道崎嶇頗通車馬按周書異記神仙
傳云黃軒轅黃帝問道于廣成子受胎息
于容成子吐納而谷神不死獲靈丹于浮
丘翁遂思超溟渤遊蓬萊乃告浮丘公曰
願振衣躬侍脩煉浮丘公曰擇賢而師學
必精奧棲隱勝地業則易成煉金為丹必

二

假于山水山秀水正其藥乃靈江南黥山
據得其中雲凝碧漢氣冠羣山神仙止焉
地無葷辛境絕腥腐古本靈藥三冬不凋
名花異果四季皆有山高木茂可為炭以
成藥迸泉直瀉狀如飛布下有靈泉香美
清溫冬夏無變若能齋心潔已沐浴其中
飲之灌腸萬病皆愈矣黃帝遂命駕與容
成子浮丘公同游此山山有三十六峯三

十六源二十四溪十二洞八巖

第一煉丹峯浮丘公于此山頂上煉丹經
八甲子丹成黃帝即服七粒不籍雲霧昇
空遊戲故其上有煉丹竈下有煉丹源源
中有煉丹水下有洗藥溪搗藥石曰儼然
常存

第二天都峯高九百仞與煉丹峯相並如
天中羣仙之所都峯下有香谷源長聞異

三

香馥郁又有香泉溪泉水中嘗香美也

第三青鸞峯如青鸞之蹲顧連天都峯高
八百二十仞下有採藥源黃帝曾于此處
採藥也

第四紫石峯純是紫石連青鸞峯高六百
仞下有湯泉溪歙州圖經云黟山東峯下
香泉溪中有湯泉二口如椀大出于石澗
熱可煮石仙經云山石出硫磺朱砂其水

即熱此殆朱砂乎春時即紅氣味香美周
書異記云黃帝受浮丘公還丹再服四十
二粒毛髮之類黧潤過常視其肌膚悉皆
皴折浮丘公命黃帝至湯泉浸七日皴折
故皮隨水而去斯湏湯池中有黃龍現雲
霧翳空上有笙歌之聲逡巡霧氣開散青
天亮皎正當日晝香氣氤氳隨風襲人黃
帝浮丘公容成子同見一珠函一玉壺浮

四

丘公啟之函中有霞衣寶冠珠履壺中有
瓊漿甘露浮丘公曰此是上天降下以奉
黃帝遂授于帝帝乃受之持歸石室

此下
事具

望仙
峯下浮丘公遂于南峯題石壁記以示後
世尋至唐大歷中歙州刺史薛邕遣人就
立舍宇大設盆斛病無輕重入者皆愈又
至大中五年刺史李敬方患風疾遂至湯
池浸浴六年十一月又入浴因感白龍見

風疾遂瘥乃造白龍堂並勒銘以記其銘
曰

黔山南垠湯水沸騰伏陽韜焰陰火潛蒸
盛夏不增窮冬不冰其誰主張唯龍是膺
刺郡二年病不能興發汗五日信而有徵
乃作龍堂于湯西陵乃刻龍像作神依憑
非衆非公非巫非僧王佺步將陳顛歛丞
迭掌吾事各勤爾能未盡瞻依去懷憂兢

五

苟肆慢心貽神惡憎盲瞶瘡癩災爾相仍
壬申既夏一陰始昇鑄石室壁庶無騫崩
遂號湯院請僧住持焉保大二年元宗皇
帝勅為靈泉院宋朝賜名祥符

第五鉢孟峯覆鉢之狀連鍊丹峯高八百
五十仞下有新羅庵基址猶存神仙補闕
傳云昔劉宋時有一東國僧人不知姓名
于此修禪定學道術一生休絕三十餘年

不出溪口況山下乎于峯脚平石上以錫
杖卓出一泉鍊丹而服偶一日彩雲仙樂
來迎忽乘龍飄然上昇又有一洞深邃多
蛇蟲人不敢入其僧鍊丹之處梁大同中
有一樵叟入見一婦鼎石竈藤蘿纏鎖猶
在因名仙僧洞洞口陰暗之夜有一燈現
宛如星明人謂之聖燈又有擲鉢原其僧
常擲鉢于空中久而始下其錫杖泉至今

存焉

第六桃花峯連鉢孟峯高八百仞下有桃
花源桃花溪即黃帝親種桃花至今徧峯
源溪洞中純是桃花三月方盛開每謝之
時滿溪水紅流入湯泉溪春即名桃花湯
第七朱砂峯宛如削成高九百仞峯半壁
有硃砂巖岩中有朱砂望之如欲崩頽猿
猴亦不能到惟飛鳥方及神仙補闕傳云

浮丘公黃帝同取此朱砂煉丹故天下獨
貴人莫能獲下有朱砂洞朱砂巖朱砂溪
溪口水向東流入湯泉溪

第八獅子峯連朱砂峯西南高五百仞宛
如獅子蹲踞下有錦霞洞常有錦霞生又
有香林源林中常有異香馥郁

第九蓮花峯連朱砂峯北高九百仞如蓮
花正開下有蓮花洞蓮花源水流入朱砂

溪與桃花溪水合流

第十石人峯在蓮花峯北高七百仞宛如
人形下有白鹿源曾有白鹿出為人所獵
而貢之又有駕鶴洞浮丘公在此駕鶴也
第十一雲際峯在石人峯西南高八百八
十仞峯頂入雲際下有藏雲洞長藏白雲
又有乳水源味如乳下有布下水落白雲
溪溪中長生白雲水向東流入桃花溪

第十二疊障峯連雲際峯西高八百仞峯形如障下有石乳岩岩中長滴水乳其白如雪四季不絕今俗只呼滴水岩又有陰坑源長陰不見日源水東流入白雲溪溪中有一潭如盆下又有一大潭黃帝曾向此取水煉丹感白龍見名曰白龍潭水入朱砂溪

第十三浮坵峯連疊障峯西南陰硯源南高九百仞圖經云頂有浮坵公仙壇彩霞靈禽棲止其上即浮丘公游息之所下有浮坵廟浮坵觀唐會昌中毀折今有廟存焉每年州縣祈禱立應峯下有五雲源浮坵公曾于此源中乘五色雲去又有浮坵溪今俗呼為浮溪水東南流入曹公溪昔有人姓曹于此溪頭上昇今俗只呼為曹溪又有人至浮坵壇所忽見樓臺宛然樓

前有白蓮池左右有藍積米積遂歸山下
邀人上山去取了不知其去處也

第十四容成峯連浮丘峯東高九百仞容
成常游息于此故有容城溪今俗呼為容
溪峯下有紫烟源長有紫烟籠蓋又有容
成洞洞中有容成子故居基址存焉

第十五軒轅峯連容成峯東高八百九十
仞下有紫芝源周書異記云軒轅黃帝曾

九

于此源採紫芝今長有紫芝生峯頂有仙
石座即黃帝坐處下有仙人洞紫雲溪長
生紫雲不散下有石仙室即黃帝游息之
所曾有樵翁入室中見一道士釀酒道士
見樵翁設一盃樵翁云天性不飲至夜又
彈琴說之樵翁坐睡道士曰汝此宿不得
送出洞口忽到朱砂便迷入朱砂洞香林
源出不得遂變成毛人今有毛人岩其室

中石鼎石砧剉藥刀痕猶存即黃帝遺跡
馬

第十六仙人峯連軒轅峯東北高八百六十仞頂有二石人宛如刻成相對而坐仙記注云浮丘公與黃帝經游此處上昇之後雙石筍化為峯可高十丈信神仙之聖跡俗謂南向者為軒轅黃帝背倚一石屏迥如玉宸北向為浮丘公其下石壁高五百餘仞猿猴亦不能到既者上紫石峯望之宛如二仙人對坐下有仙人洞因此名馬

第十七上昇峯連仙人峯西高八百仞黃有人姓阮于此峯頂上昇今有阮公源阮公溪俗呼為阮溪山下往往日夜聞峯上仙樂之聲

第十八青潭峯連疊障峯北高八百仞下

有一大青潭流水傾下可高百餘仞有布
水源錦魚溪此溪有錦鱗魚也

第十九翠微峯連青潭峯北高八百五十
仞下有翠微源翠微洞又有翠微寺青牛
溪黃有樵人于此見一青牛遂前捉之走
入水中尋覓不見峯畔有布水傾下此峯
屬宣州太平縣界

第二十一望仙峯在山北連仙都峯東高

土

八百五十仞周書異記云黃帝容成子浮
丘公于此湯池同見一珠函玉壺持歸中
峯下石室中飲壺中甘露瓊漿披函中霞
衣簪寶冠珠履光輝山谷須臾黃帝乘飛
龍前引綵幢珠蓋三仙飄然從峯頂上昇
羣臣攀龍鬚墮地故有龍鬚岩至今長生
龍鬚草下有望仙鄉此處有人望見空中
三仙上昇聞綵雲有弦歌之聲今峯西有

弦歌鄉弦歌洞弦歌溪屬太平縣

第二十二九龍峯連望仙峯東南高八百
仞九采合成如九龍相纏下有九龍岩九
龍源九龍洞九龍溪九龍觀觀今改為僧
院天尊見存焉

第二十三聖泉峯在九龍峯西南桃花峯
東北宛如削成上下大中央小狀如腰鼓
高八百七十仞頂上有一湯池人不能到

主

于鄰峯頂上望見池中波浪騰沸從地中
湧出一布水向峯頂東南而下入湯泉源
甘泉源甘泉溪周書異記云浮丘公謂帝
曰黠山中峯之頂上有湯池水味甘美可
以煉丹煮石蓋此處

第二十四石門峯即黠山之中峯高八百
八十仞下有石門兩山相通山之半壁有
一大石橫架其上通兩山焉兩畔相對各

有一大石床如龜形長數丈通人行當中
有大石塔正圓如月有四層址圓二丈高
三文已上上大下小狀如刻成然非人力
能及蓋靈仙所建也半壁有一石澡瓶引
觥狀如杓柄觥中有孔孔中有飛泉出焉
山下有毛人昔唐大歷中至山下為人所
殺明日其妻至知夫已亡號咷哭之而去
峯下有一石門源石門溪猿猴岩狼豹洞

三

曾有狼豹入岩洞止焉

第二十五碁石峯在石門峯畔高八百仞
浮丘公與黃帝圍碁之所也唐天寶中曾
有樵翁到見一石碁局布子分明遂撥開
取之却回見復如故後人尋之輒迷去處
下有碁石源

第二十六石柱峯如柱之削成高七百九
十仞在碁石峯西北下有石壁故號石壁

源

第二十七雲門峯在石柱峯南高八百八十仞兩峯相並如門時時有雲從門中過下有雲門源雲門溪溪水從二峯中流下向東南而去

第二十八布水峯在雲門峯西高七百八十仞下有百藥源源中主百種藥下有紅泉溪溪水紅色布水長十餘丈

古

第二十九石床峯在布水峯東北高八百五十仞頂上有石床長一丈二尺濶五尺如白玉琢成即容成子浮丘公黃帝游息之所中有碧椀三枚紫石床三張下有石室源十餘丈如屋

第三十丹霞峯在石床峯西南高八百九十仞時時有丹霞籠之有紅朮源徧源生紅朮有流霞溪時有流霞隨水而出

第三十一雲外峯在丹霞峯西北高九百
仞勢出雲外下有杏桃源源中有杏花樹
千百株峯頂上有杜鵑花遍峯純是杜鵑
花樹下有飛泉溪有瀑布泉飛下十數丈
也

第三十二松林峯在雲外峯西高七百仞
下有松林溪徧峯皆是松林又有黃連源
石榴岩岩上有石榴樹

五

第三十三有紫雲峯在松林峯西北高八
百九十仞頂上常有紫雲蓋之下有柏木
源徧源盡是柏木有榆花溪水流入湯泉
溪口合流也

第三十四芙蓉峯在松林峯西高七百五
十仞下有白馬源即黃帝遊行之地隔溪
南面有馬跡石石上有馬跡三二十餘箇
深者可一尺淺者可二三寸宛如泥中所

印之跡此是黃帝遺踪明矣

第三十五飛龍峯連芙蓉峯高八百七十丈

第三十六峯采石峯連飛龍峯西高六百仞下有白龍岩白龍源俱是白石其石如玉陰暗之夜即見布水流下

右此三十六峯並是從脊以上折算高低山海經云八尺曰仞此外諸峯高二三百

十六

仞者並巖洞溪源數千百不啻圖經傳記不書者此皆不載又有一石橋唐開元中曾有一樵人在鍊丹峯北見之跨二石峯長三二十丈近代又有樵人見在蓮花峯下南復有前說後有人尋之竟不知去處復有採山人于石橋下宿半夜聞笙歌從石橋上過至天明亦不見仍迷舊路之所其山南面及東南面水流入休寧歙縣等

界又大山北面水流入宣州太平縣界外
小肢入宣州界者不能具載大山南面肢
脉極多其經口口州界散入浙東西又江
西諸郡者唯有兩肢東口口箬嶺南面水
流入當州界北面水流入宣州口口口界
次東至黃檗山南面水流入當州界北一
口口宣州太平縣界次入績溪縣界至新
嶺東口口流入績溪縣界東北面北水流

文

入宣州口口縣界東至籠岩山南面水流
入績溪縣界北面口口入宣州旌德縣界
東肢出績溪山西面水流入口口縣界北
面水流入宣州寧國縣界南面水流入杭
州唐山縣今昌化縣是也迤邐一肢東入
杭州唐山縣散入浙西諸郡由天目而止
杭州吳山其績溪山又東南起一肢至昱
嶺入歙縣界西南流入歙縣界東面水流

入杭州唐山縣界又南山大抵溪西北面
水流入歙縣界東南面水流入睦州青溪
縣今建德路淳安縣是也西肢入黟縣界
北面水流入宣州太平縣界又南轉入武
亭嶺東面水流入黟縣界西面水流入祈
門縣界又南出婺源縣界至浙嶺南面水
流入婺源縣界北面水流入休寧縣界又
西南次至斜山南面水流入婺源縣界北

六

面水流入休寧縣界又南至大鱗山西北
面水流入婺源縣界南面水流入衢州常
山縣界迤邐南出衢州常山縣散入浙東
諸郡其山東西各起一肢西肢西至小歙
山東面水流入婺源縣界南面水流入衢
州常山縣界迤邐西出饒州樂平縣界東
肢東出休寧縣界至黃土嶺北面水流入
休寧縣界南面水流入衢州常山縣界又

東至白際嶺北面水流入休寧縣界南面
水流入建德路遂安縣界其牛泉嶺又北
引一肢入祈門縣界至大閔嶺西南水流
祈門縣界東北面水流入宣州太平縣界
又轉西南至舉根山東南面水流入祈門
縣界西北面水流入池州貴池縣界又轉
東南出至梅難山東北面水流入祈門縣
界西北面水流入浮饒州浮梁縣界迤邐

无

次南入饒州浮梁縣界又魚庭嶺引出一
肢入婺源縣界至梅源山東南面水流入
婺源縣西南面水流入浮梁縣界又南至
濬源山東面水流入婺源縣界南面水流
入饒州浮梁縣界迤邐入饒州樂平縣界
今俱改州按當山肢脉多其于當州界或
從大山界外引肢入諸郡者此皆不載其
浮溪水流入曹溪既溪水流入容溪二水

合流入豐樂水東南流一百七十二里至
郡西合揚之水入建德路下至錢唐江秋
冬涸不勝載春夏勝載又東肢箬嶺高四
百五十丈次引東肢入黃槃山高五百丈
大山高一千三百七十丈周回一千餘里

干

黃山圖經終

黃山圖經書後

黃山圖經一卷圖三層四篇上列三十六
峯中岩洞僧舍下寫寺祠村落經三十六
則詳著峯巒高大形勢事跡水源流歸宿
一篇其文簡古明晰無冗累誠異人傑作
尾署祥符祠刊版廢久審圖所載如新興
寺萬石市五福堂蓋若寺新林寺花山寺
黃濟祠折足橋皆列下方而祥符稱祠何也

且山麓湯口未載豈程氏繇元及明始來
遷居著作于前未之及爾余採藥虞山得
此于藏書家寔宋鏤本上有姑蘇吳岫家
珍印記世所希有旋覽之下且喜且愕數
尋文獻足徵竊怪創志者未見圖經不全
載卷首致古人書湮失無傳且峯巒高大
溪水源流使後來抵牾聚訟何哉浮丘告
帝按周書異記神仙傳云然新志不能發

揮其所以然者不能為山靈重天寶中樵
翁見石棋布列撥去後再至復再見其為
仙客引入入道未可知余竊笑前此創志
未得見不錄卷首徒濫收後來詩句何其
不愛古人耶此經宋無名氏著案所載開
元天寶大中年事或者唐人書而宋人成
之也香沙道人方望子記

跋

嘗閱廬山紀事謂白石菴遭蜀僧改易致不可改余再三歎息夫以藏書盛典蘇文忠公為之記千古佳話李又涪翁之甥不百年竟同陵谷變遷湮沒無稽豈不惜哉廬紀有魏晉舊裁用是增輝舊文不可漏落使後來痛惜憾事誠山志要道否則難免強作解事之誚此黃山圖經一卷北宋

無名氏著羅鄂州撰新安志猶數引此經而後人脩志俱未得見則是書之不傳久矣余族伯望子先生游虞山得此於藏書家猶是宋時藁本上有吳岫家珍印記其文筆簡古高妙所紀山川形勝源流歸宿如觀掌上螺紋與俗志有僂凡之別誠足為山靈重信古書之不可及也彼近志詩文雖多亦奚以為岫雲方或培仰松甫

宋直史館劉鼇贈李營丘詩曰六幅冰綃挂翠庭
危峯疊嶂鬪崢嶸却因一夜芭蕉雨疑是巖前瀑
布聲當時以爲實錄蓋古人落筆精通造化掃千
里於咫尺寫萬象於微茫一峯一樹如就真景足
令着屐者如晤而卧游者神往若予家黃山奇詭
誕譎不可名狀昔人署其絕巘曰豈有此理此不
惟難傳其神並難貌其形矣雪莊上人坐臥茲山
結廬於無人之境風日和暢輒濡毫絕頂或一日
而寫數峯或數日而不成一石其於巒嶠向背林
木稠薄泉壑深淺雲烟變幻皆先具於胸中而後

黃山圖

序

放情揮灑不脫其形不遺其神余故亟聯同志梓
而行之使海內林徒逸士望黃山而未至者睹茲
圖如見黃山則雪公殆山游之先導又不徒援琴
動操自爲耽賞而已也新安吳荃識

黃山不階尺土襟帶三州秀削不可名狀不易圖亦不
 能圖也三十六峯本唐李青蓮三十二蓮峰之句約略
 言之亦復何可盡前志中山畫照舊本鄭君千里繪事
 屬蕭君靈曦圖入存其大概茲雲舫雪莊大師北還一
 笠一筇徧歷諸峰擇其至靈奇者三十二峯重加圖繪
 錄入續志不獨黃山別開生面此皆大師身所親歷非
 如鄭蕭兩君想象而得者黃山可以名狀又何不可圖
 也到者方知吾於此圖益信栗亭氏識

黃山圖

阮溪去黃山百里
 遊者必取道于此
 故先之
 雪莊僧悟



黃山圖



黄山圖



三





黃山圖

四


浮丘溪十里梅
花





黃山圖
 五






慈光寺

黃山圖

六




黄山圖

迎送松



七

黃山圖



黄山圖



石堂打

九



黃山圖

文殊院



新堂

茶石小


+

黃山圖

天都峯



蓮花峯





黃山圖

十二



黃山圖

天海



十三



黃山圖



十四



煉丹峯



黃山圖

十五

西海之左數峯





黄山圖

十六



黃山圖

西海之右數峯

黃山圖



十八



黃山圖

散花塢



平天砦



九

送供峯



黃山圖

二




光明頂



黄山圖

三




青龍嶺望
始信峯

黃山圖

海門



擾龍松





黃山圖



黃山圖

紫玉屏



二四

始信峯



黃山圖

三五

石筍峯




黄山圖



三




黃山圖




松谷






黃山圖

三





黃山圖

三九



聖泉峯

桃花峯



黄山圖

九龍飛瀑

柳鉢峯



黄山圖


雲谷






黃山圖


三





黃山圖

三





黃山圖

三五



招隱亭


仙掌峰

黃山圖




三





黃山圖


黃山圖





黃山圖

三






黃山圖

甲





黄山圖


甲一



雲筋之右數峯

黃山圖

四一



雲筋面數峯

黃山圖

雲門峯



四三



黃山圖

四



余家黃山峯下浮丘源水出爲豐樂溪徑余居潛
蚪山山有閣曰橫川取許丁卯三十六峯橫一川
之句閣上對雲門峯宛如畫屏蓋日與黃山相晤
也而歲復一至山中搜剔幽邃好爲險句而未能
狀也楚州雪莊師散髮皮篷高棲浩然懷鉛操翰
日踏一峯傳神寫照若山之俯仰變態皆與性情
相洽者昔王宰家於西蜀多畫蜀山玲瓏窅窅巉
崖巧峭之狀若移造化風候雲物四時之景於座
上今披此圖亦猶是矣雪公又有山花圖奇葩異
蘂爲稽含之所未狀余因譜爲卉箋大中丞商丘

黃山圖

跋

一

宋公一見賞心欲一花題一詩以紀其異于是黃
山之不傳者傳矣余特恐軒皇誚人發露太盡不
爲山中少閱靈奧也康熙戊寅秋日吳崧

梅花老衲漸江畫得倪迂之神松圓老人亟稱之
自入黃山後筆墨大進時作黃山圖六十幅脫去
畦町瀟灑出羣今弄一友人家不可得見雪公久
於黃山臥雲嚼雪其性情與山水爲一故其筆墨
與天工俱化也余按張彥遠歷代名畫記竇蒙齊
梁名畫錄朱景玄唐朝名畫錄郭君虛圖畫見聞
志鄧椿畫繼上自往古迄宋乾道皆止論畫品而

不雕鐫圖繪世亦莫得而見之然古人圖書並列
自春秋毛詩論語孝經爾雅皆有圖唐開成中學
士張次宗等進毛詩草木蟲魚圖二十卷唯天下
名山圖罕有成書漢李恂持節幽州圖山川百餘
卷奏上又皆關於軍國形勝不以供文人玩好者
近時郡國志乘亦間有圖迄無專書夫山以人傳
屐齒未臨披圖可得則是書也非以誇雪公而誇
黃山之爲雪公著也好事者倘因雪公之圖傳而
並使梅花老衲之圖亦傳則黃山兩畫僧不又在
賈休巨然之上哉山中人吳瞻泰

黃山圖

跋

二



黃山圖注一卷舊鈔本題宋無名氏撰後有香少道人方望子及
方成培跋香少道人跋稱得之虞山賈宗儀本尾署祥符祠
刊之言此書載開元天寶七中年事或唐人書而宋人成之方成
培跋謂此係羅鄂州新安志數引之概定為北宋人著今觀其叙
述簡明洵為佳製然篇末記述中流屢稱入杭州唐山縣及入宣州
太平縣界又稱入睦州有溪縣今建德路信安縣是也又有入建
德路遂安縣界語考唐山北置於唐宣州睦州則原有宣州也
宋已廢唐有睦州宋代而借其稱似為此書撰於唐宋間之明證
此建德縣則至元代乃有此名則此書殆成于元代蓋因唐宋間經
之舊稱蓋為一郡邑之名因仍不改不得因有唐宋郡邑之名遂以
為唐宋人所作至羅鄂州新安志卷之敘縣山阜類注稱黃山圖

黃山圖

注云改黔山為黃山而祥符州圖注乃云改黃山為黔山鄂州所
引僅此一則今此書雖云黃山舊名黔山語似畧合而與鄂州叙山
阜篇文字多相類意而宋新安志之文鄂州所引自是唐宋間經
之舊此書則皮成于元代不可清混也昔葉宗無名氏著一行殆
是移錄時寫官所增刊本必無是也元人西樵山志傳世亦甚
可珍何必漫定為宋人耶予既為之影印後者其後以正前
人之誤此書原有圖今使吾友富岡君搗成雪莊上人圖刊本
亦罕流傳因與此書並印之香少道人為明季遺獻與姜鶴
澗先生交厚鶴澗屢有詩投贈附寄于茶山岩後一讀是書
者丁巳九月上虞羅振玉書于滬東倫舍

